

De atropa belladonna ... / [Peter Johann Andreas Daries].

Contributors

Daries, Peter Johann Andreas, 1746-
Plaz, Anton Wilhelm, 1708-1784.
Universität Leipzig (1409-1953)

Publication/Creation

[Lipsiae] : [Ex Officina Langenhemia], [1776]

Persistent URL

<https://wellcomecollection.org/works/rcrqjd9k>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

34336 2
W 501

DE

ATROPA BELLADONNA



AVCTORITATE GRATIOSI MEDICORVM ORDINIS

P R A E S I D E

D. ANTONIO GVILIELMO PLAZ

THERAP. P. P. ORD. FACVLT. MED. DECANO,

ACADEMIAE ET NATION. SAXON. SENIORE, DECEMVIRO,

MAIOR. PRINCIP. COLL. COLLEGA, ACAD.

IMPERIAL. NATVR. CVRIOS. SOCIO

PRO GRADV DOCTORIS

AD D. XXX. AVGVST. MDCCLXXVI

DISPVTABIT

A V C T O R

PETRVS IOANNES ANDREAS DARIES

PARCHIMO - MEGAPOLITANVS

MEDICINAE BACCALAVREVS.

L I P S I A E

E X O F F I C I N A L A N G E N H E M I A

Digitized by the Internet Archive
in 2020 with funding from
Wellcome Library

<https://archive.org/details/b31912576>

SERENISSIMO
PRINCIPI AC DOMINO
DOMINO
FRIDERICO
DVCI MEGAPOLITANO
PRINCIPI VANDALORVM SVERINI
ET RATZEBVRGI
COMITI SVERINI
TERRARVM ROSTOCHII ET STARGARDI
DOMINO &c. &c.

PATRIAE PATRI

DOMINO SVO INDVLGENTISSIMO

SPECIMEN HOC INAVGVRALE MEDICVM

DEVOTISSIMO MENTIS CVLTV

CONSECRAT

TANTI PRINCIPIS

SVBIECTISSIMVS OBSEQVIOSISSIMVSQVE SERVVS

PETRVS IOANNES ANDREAS DARIES.



Quum mos in academiis receptus exigat, ut, qui ad altiora adspirat, profectuum suorum specimen edat publicum, hac in Dissertatione, medico quidem non indigna, sed forsitan parum terso tamen sermone conscripta, quam iudicio orbis litterarii humanissime offero, minime de Venenis omnium trium regnorum, nec de Venenis vegetabilibus in genere, quum nimis ampla foret, et a tramite proposito aberrarem, dicere mecum constitui; sed de vnius tantum plantae, sc. *Atropae*, *Belladonnae* LINNAEI historia, vsum et noxis, post tanta in famosa hac planta experimenta collecta, pro ingenii mei modulo, differere mihi licebit. Varii quidem existunt autores, qui de *Belladonna* scripserunt, ut SICELIVS *Diatrise botan. medic. de Belladonna, Ienae 1724. 8.* TIMMERMANNVS *Pericul. medic. Belladonnae, Rintel. 1765. 4.* ALBERTI *de Belladonna tamquam specifico in cancro, Halae 1739. 4.* FABER *Strychnomania, Aug. Vind. 1677. 4. c. fig.* GREDING *de Belladonnae viribus in icteru curatione.* GATAKER *Observations on the internal use of the Solanum. London 1757. 8.* alique, sed simul etiam recensendi sunt

A

illi,

illi, qui tantum collectores fuerunt, nihilque noui dixerunt. De Venenis in genere, LINDESTOLPE autor classicus dici meretur, aliique, quorum nomina, euitandae taediosae prolixitatis causa, silentio praetermittam. Farrago librorum, Venena tractantium, tanta est, vt hoc seculum Cel. HAHNIO, *toxophilum* appellare placuerit, quod appositissimum videtur esse nomen. Quum tamen in illo nomine iustam quandam eorum, qui Venena disquirunt, criminationem haud videam, quo minus et Ego de *Belladonna* Veneno perquam efficaci, nec minus medicamento dicam, nil impedire videtur, quum felici auspicio de *Belladonnae* effectibus aliquid noui obseruauerim, mihi-que dictum fuerit, nullam esse contemnendam obseruationem circa corporis nostri aliorumque mutationes, quae artis salutaris incrementa inuentis suis promouere possent. Legi maxime venenatam esse *Belladonnā*, a cuius interno vsu quilibet prudens medicus abstineat, BLACKWELL. *hist. stirp. Cent. VI. ad tab. 564.* immo LEWIS *Mater. med. 1771. 4. p. 550.* gratulatur, illam omni iure abrogatam, et in Belgio ob irrita multa tentamina etiam plane reiectam esse, VAN DER HAAR *Over de Knierknoesten Kanker - Gezwellen, p. 85.* His omnibus ab eo consilio de *Belladonna* scribendi auocari poteram, verum enim vero, quum si vel maxime a *Belladonna*, vt medicamento abstinerent medici omnes, eandem tamen, vt venenatam et funesto saepius effectū corpus laedentem examinare necessum erit. Quod si et Ego quid illorum laboribus adiicerem, qui ante me de eadem memoriae prodiderunt quicquam? Num reprehendendus videar? Quum quaeuis regio herbis abundet venenatis, quae et hominum et brutorum sanitatem laedunt STENTZELII *Diff. de Venen. acut. p. 36.* nostris temporibus Cel. STOERCKIUS creberrima pericula cum plantis venenatis in generis humani vtilitatem felici ausu suscepit, vt noua detegeret remedia, et inde potissimum commendationibus exornauit. Hac in re etiam legi meretur ZAGONI *de inuentis huius seculi in arte salutari*

tari nobis, *Ultraiekt.* 1764. 4. Non solum Cicutam, sed et Aconitum, Colchicum, Hyoscyamum, Stramonium, Flammulam Iouis, Pulsatillam nigricantem, cet. exploravit. Adeo ex mineralibus salia mercurialia, ipsumque arsenicum in medicamentorum numerum transierunt. Ad *Belladonnae* ancipites vires explorandas Viri Cel. LAMBERGEN *Diff. sistens ephemeridem persanati carcinomatis, Gröning.* 1754. DARLVC in *Vandermonde Journal de Medecine, T. XI. Paris* 1760. 8. p. 509. EVERS *Berlinische Samml. T. V. Berlin* 1773. p. 565. SCHMUCKER *Vermischte chirurg. Schriften, Berlin* 1776. 8. minime alto contemnunt supercilio, de confirmando innocuo et salutari usu *Belladonnae* propria investigare experimenta, et e suo exilio ad tutorum medicaminum censum reduxerunt, quorum effectus salutare commemorati mihi ansam praebuerunt, cum HAHNIO in *orat. De usu Venen. in medicin.* quaestionem proponendi: an honesto medico liceat, Venenis uti? Fateor, rem esse copiosiore, quam ut brevi spatio omnibus in partibus posset explicari, si elegantiae studerem; verum operam dabo, ut res ipsa clara et intellectu facilis fiat. Si igitur aliquantulum a Dissertationis elegantia recedam, mihi ignoscendum cupio, rei enim perspicuitati magis, quam ornato sermoni feruiendum est. Quo vero *Lector* totum ambitum eo melius vno quasi intuitu capere et diiudicare possit; ordinis, quem secuturus sum, ea erit norma, ut primo de *Belladonnae* diuersis nominibus, dein de eius characteribus botanicis, porro de principiis eius constitutivis et praeparatis officinalibus, denique de effectis tum salutaribus, tum venenatis exponam, atque potissimum in viribus radicum, foliorum, baccarum, feminisque haeream, additis iis, quae post mortem sectio detexit mutationibus in corporibus *Belladonnae* vi extinctis. Adiciam dein, quae ipse observavi et tentavi, ultimoque de *Belladonnae* antidotis dicam.

§. I.

Onomatologia.

Vt rem ab ovo ordiamur, necessum erit, vt primo de huius plantae nomine conueniamus, de cuius etymo, ne philologiae elegantias insuper habere videamur, quaedam sunt praemittenda. Atropa Belladonna *Linn.* est Solanum melanocerasum *Bauh.* Graecum esse hoc nomen, quisque facile animadvertit, qui vel primis tantum labris politam Graeciae litteraturam degustauit, vbi Στρογγυλον μελανοκερασον audit. Belladonna *Tournef. Clus. Matthioli, Tragi, Dioscorid. Raii.* Atropa *Royen.* Solanum furiosum, *Camerar.* Letale, *Lobel. Dodon. Clusii. Thalii.* Solanum maniacum multis s. Belladonna *I. B.* Solanum bacca nigra, cerasi simili, *Tabern.* Solanum cosmeticum, *Weinman. Hoffm.* Opsago, *Gerard.* Pulchra mulier, *Tournef. Germanis:* Wald Nachtschatten, Schlafbeere, Tollbeere, Irrbeere, Walkenbaum, Marienkraut, Tollkraut, Tollwurtz, Tollkirschen, Schweintodt, Saukraut, Wuthbeer, Teufelsbeer, Willbeer, Wiedbeer, Windbeer. *Anglis:* Dwale, deadly, raging or sleeping Nightshade. *Gallis:* Morelle marine, Belledame. *Italis:* Solatro maggiore, Belladonna. *Belgis:* Groote Nachtschaad oft Dulcruyt, Dulle Bessien. *Hispanis:* Yerva mora major. *Lusitanis:* Ayura, Erva mora. *Bohemis:* Lilek Wetly, Psy Wino. *Polonis:* Pflinki, Moszenky, Psie Wisnie, Michonky. *Hungaris:* Zepzolo. *Danis:* Natskade, Sovv Boer, Swine urz, Hunde urz. Mirari subit, cur *Italis* et *Hispanis* virulentissimum hocce vegetabile *Belladonna* audiat, quod tamen adeo tetri est odoris, vt ne bruta quidem illud praetereuntia degustare soleant, sed cane peius et angue fugiant. Scriptores hanc asserunt causam, quod ex eius succo vel aqua destillata fucum conficiant mulieres Italicae, quo faciem oblinant, decorent, et ex rubicunda pallidam efficiant, frigoris vehementia, *RAII hist. plant. Lond. 1686. fol. 1. 13. c. 23. p. 680.* Alii hanc ob rationem credunt, quod in somnis pulchras virgines feminasque ostendet,

THEOPHR. *hist. plant. illustr. a Bodaeo a Stapel. fol. p. 1078.*
APVLEIVS vero contendit, hoc nomen esse corruptum ex
Bellonaria. Nomen letale, somniferum, furiosum, maniacum,
a symptomatibus commemorandis accepit.

§. II.

Genus et definitio.

Ob affinitatem externae et internae formae atque effectuum laedentium eo Autores diuersos induxit, vt vegetabilia non pauca *Solani* titulo insigniuerint. Inde veteres botanici fere omnes *Belladonnam* ad *Solani* genus retulerunt, quo etiam hoc nomen cum epitheto accepit. Sed rei herbariae restaurator, Ill. LINNAEVS, non ex arbitrio, sed ex vera diuersitate a *Solani* genere separauit *Belladonnam*, dum nec florendi, nec baccas producendi modo *Solanis* accedit, *Atropae* nomen tribuit, et ad pentandria monogynia, LUDWIGIVS vero ad pentantheras monostylas retulit. Haec planta perennis dicitur, quia frustillum radice relictum, vel infossum, repullulat. Ornata est radice longa, magna, crassa, ramosa, inalbicante, succulenta, diuturna, viuace, insipida, cuius cortex aliquo modo fuscus est. Haec radix quolibet anno semper magnitudine aucta, mense Aprili nouis propullulat turionibus, emittit ramos herbaceos dichotomos, altitudine trium vlnarum et supra assurgentes, quoad superficiem villosos, vinctuosos, striatos, ex ala petioli decurrentes, rotundos, rectos, mediocris crassitudinis, colore e subrubro nigricantes, pollice crassiores, in tuber crassescences. Petioli alati, villosi, ala exteriori ampliore, articulati. Folia caules circumuestientia sunt geminata, GOUAN *Hort. Monsp. Lugdb. 1762. p. 107.* integerrima, petiolata, oblongo ouata, acuta, saturate viridia, mollia, aliquantum hirsuta et subtili lanugine obducta, punctata, superne atrouirentia, inferius albidanervosa, margine non sinuata, odorem narcoticum spirantia. Folia iuniora rugosa. Pedunculus simplex assurgens, intra duas foliorum alas enascens. Calix monophyllus, quinquefidus, laciniis

ciniis duabus amplioribus. Corolla monopetala regularis, tubo oblongo, inferius coarctato, superius ventricoso, quindecim striato, flavescente, tubo prope filamenta villosa, limbo quinquefido, laciniis duabus maioribus, reuolutis, interius fulva puluere albo conspersa. E foliorum alis concavis mense Junio seqq. MILLER'S *Plants. Lond. 1750. fol. Vol. I. p. 41* hi flores flaccescentes, prorumpunt, coloris tristis, luridi, pallidi, fusci, obsoleti, viridescens purpurei, intus colore lurido et purpureo, fundus luteo versicolore, extra ex herbido rubescens subhirsuti prorumpunt, quorum figura una cum seminibus optime depicta est in TOURNEFORTII *Institut. rei herbar. T. II. Paris 1719. 4. tab. 13*. Plantae iconem vero videas MATTHIOL. *p. 1073. comment. in Dioscor.* et MILLER'S *figures Tab. 62*. Stamina quinque, filamenta totidem, reclinata, conniuentia, subulata, inferius villosa, superius glabra, teretia. Antherae ovatae, compressae, erectae. Germen ovatum, conicum, sulcatum, superum. Stylus filiformis, reclinatus, stigmate capitato obtuso, bifido. Baccae solitariae, globosae, pulposae, e singulorum cauo ortae, e suo pediculo pendentes, pellucidae, primo virides, quae dum maturescunt, mutantur in colorem ex profundo coeruleum, excipiunt flores. Si mense Augusto maturescunt, sunt glabrae, nitidae, splendide nigricantes, cerasis similes, ideoque μελανο-νερασον dictae, punctulis impressis notatae, SCOPOLI *Flora Carniolica, T. I. Vindob. 1772. 8. p. 160*. succo, aquoso, purpureo, dulci, ad vinosum saporem accedente, turgentes, odore fatuo et septo intermedio; grauidae sunt semine exiguo, subrotundo, punctato et alveolato, fragorum instar. Loca sterilia, vliginosa, limosa, sylvas opacas et montosas, parietes iuxta et agrorum sepimenta amat haec planta. Habitat in Anglia, MILLER'S *Plants. Austria et Pannonia, CLVSII histor. Antwerp. 1601. t. 4. c. 2. p. 85*. Dania, Franconia, Hassia, Heluetia, Hercynia, Hollandia, GERARD'S *Herbal, Lond. 1636. fol. p. 340*. Italia, Lombardia, Silesia, Suevia, Thuringia.

§. III.

Principia constitutiva.

Quum hominum opiniones, ingenia et sensus in diiudicandis effectibus saepe valde differant, hoc etiam accidit Meae *Belladonnae*, quae ob effectum ad hypnotica, STENTZELII *Diff.* p. 61. narcotica, LINNAEI *Philos. bot. Vindob.* 1770. p. 279. ALBERTI *Iurisprud. medic. T. I. Halae* 1725. p. 567. DE ANGELIS *Diff. de Venen. Frf.* 1741. p. 30. maniaca, SCHENCKII *Obseru. med. Frf.* 1609. fol. p. 978. dementantia, SAUVAGES *Nosolog. T. II.* p. 640. paregorica et sedantia, POERNERI *Mat. med. Lips.* 1767. p. 307. stupefacientia, CRANTZII *Mat. med. et chir. Vindob.* 1765. HOFFMANNVS. soporifera, DODONAEI *hist. stirp. Antv.* 1583. fol. pempt. 3. l. 4. c. 28. p. 453. RAIVS. anodyna, LINN. *Mat. med.* SCHAARSCHMIDT *Therap. gener. Berl.* 1755. 8. phantastica, paralytica, repellentia, antispasmodica, LINN. *Philos. bot.* virulenta, PAVLLI *Quadrip. botan.* 1666. 4. p. 488. VOGEL *Mat. med. Frf.* 1760. 8. p. 53. exitiosa et letaliter corrumpentia, AETIVS in *Stephani medicae artis principes libro* 1567. fol. p. 628. immo ad praesentissima Venena, FUCHSII *Hist. stirp. Basil.* 1543. fol. c. 265. HOFFM. *med. rat.* p. 183. §. 17. MAPPi *hist. plant. Alsat. Argent.* 1742. 4. p. 36. *Pharmacop. Heluet.* BROOKES *Handbuch. T. II.* p. 343. refertur, eique principium simul calidum et acre, nervos vellendo affligens, et sanguinem, lympham, aliosue humores et spiritus exagitans, adscribitur. WEPFER *De cicut. aquat. Basil.* 1679. 4. p. 229. PLENK *Mater. chir. Vindob.* 1771. p. 401. SCHAARSCHM. *l. c.* p. 328. VANDERMONDE *Recueil periodique.* 1756. p. 113. POERNER *l. c.* Secundum STENTZELIUM ex copioso fale volatili oleoso aliisque particulis constat, qui accusat, culpam virulentiae haerere in sulphure (quod tamen minime demonstrare potest) graueolente vaporoso, arctius mucagine implicito, quod fluidas cerebri et neruorum partes inficiat contaminetque, vires supprimat, motusque vitales sistat; nam

nam Venena vegetabilia potissimum agunt vaporositate peregrina, MANGETTI *Biblioth. med. pract. T. IV. p. 777.* quae virtus deleteria coctione dissipatur, HOFFM. *l. c. p. 185.* et scaturit magna sopiendi resoluendique vi et insigni acrimonia. *Advers. med. pract. Vol. I. P. IV. Lips. 1770. 8. p. 705.* Odor est virosus, nauseabundus, caput aliquo modo disturbans, spiritusque confundens. Foliis contusis lacti immerfis, statim oleosae lactis partes fecernebantur, superiora petentes, remanente tamen lacte albo, fluido. Destillatione instituta aqua inde prodiit grati odoris, liquor flavus alcalinus, oleum prius ceraceum, sal fixus lixiviosus. De productis chemicis, huc non spectantibus, legi merentur GEOFFROI *Mat. med.* et OETTINGERI *Dissert. de Belladonna*, qui hanc litem optime dirimunt.

§. IV.

Praeparata officinalia.

Haud leues circa remedia e *Belladonna* parata, exortae fuerunt lites, quoad eorum vim deleteriam et medicamentosam; igitur etiam in pharmacopoliis paucissima prostant *Belladonnae* praeparata, inter quae succi ex fructibus expressi, et cum saccharo ad syrupi consistentiam cocti, GESNERVS *Lib. I. epist. ad Achill. Gasser. c. 34.* inuentor fuit; cuius vsum vituperat WELSCHIVS, et ab hoc abstinendum esse censet. LEWIS *Mat. med. Zurich. 1771. 4. p. 550.* RAIVS *l. c.* Ita quidem praeparandam Tincturam excogitavit, MARTEAU *Journal de Medec. T. XIV. p. 11.* CRANZII *l. c.* ℞. *Belladonnae* ℥iv. Menth. crisp. ℥ij. Croci or. ℥ij, concisis admisce spiritus vini ℥ij, spiritus volat. cornu cerui sine calce, ℥℥, digere, exprime et spiritum vini affunde, quantum post colaturam a ℥ij cessabit, qua tinctura optimo cum effectu in tumore oui anserini magnitudinis ad guttas octo, sensimque usque ultra octoginta usus est. IOH. DE GORTER in *Formul. medic. Frf. et Lips. 1760. 4. p. 358.* unguentum describit, cui admixtus est hic succus; aliud vero HIER. BOCK ex succo *Belladonnae* cum cerussa et lithargyrio.

Folia

Folia ingrediuntur Balsamum tranquillans *Pharmacop. Parisinae*. Paris, 1748. 4. p. 140. Vnguentum populeum *Lib. cit.* p. 152. et Vnguentum de Cerussa et Lithargyrio. *Hannov. Magaz.* 1771. n. 23. Pilulas formavit GREDING ex herb. *Belladonnae* 3viii. Extr. *Bellad.* 3xv 3j, vt fiant pil. pond. gr. j. *Aduersf. med. pract.* Vol. I. p. 642. Aquae destillatae mentionem facit MATTHIOLI *Nelli sei libri di Pedac. Diosc. Venet.* 1604. TABERNAEM. *Frif.* 1625. p. 287. BOCK. *Strasb.* 1577. fol. p. 108. PORTAE *Magia natur.* p. 565. alio loco vero aquae odoratae; et aquae compositae ALBERTI *Iurispr. med. T. I.* p. 567. pessariorum HIER. BOCK *l. c.* DARLVC infusum et decoctum parabat aquosum ex scrupulo vno herbae cum quinque cyathis aquae, cuius vires ipse per gradus explorabat, *Journ. de medec. T. XI.* p. 509. quo etiam GATAKER *Observations on the internal Use of the Solanum.* Lond. 1757. 8. p. 25. THALII *Hercynia Saxono-Thuring.* *Frif.* 1588. 4. p. 105. vsus est. Rob baccarum mala produxit symptomata. HORST. *Oper. II.* p. 488. *Miscell. N. C. dec. 3. ann. 7. obs.* 161. A sex infantibus vnus mortuus est STRAVSS. *ad Schenck obseruat.* Puluis fol. *Belladonnae* et rhei vterque ad gr. v. adhibitus est ab EVERS *Berlinische Samml. T. V.* p. 565. SCHMUCKER p. 173 *sqq.* alii infusum baccarum spirituosum, *Eph. Nat. Cur.* LOBELII *Obs. stirp.* p. 134. alii vinosum, RAII *Hist. plant.* in cereuisia, GMELIN *Von giftigen Gewächsen.* Ulm, 1775. 8. MATTHIOLI. alii decoctum baccarum, MAYERNE *Tract. de morb. ext. II. c. 12.* p. 136. infusum vinosum herbae RAIUS *l. c.* GENDRON *Belladonnam cum saccharo Saturni Recherches sur la nature et la guerison des Cancers. Act. erud. Lips. a. 1701. p. 310.* exhibuerunt; succum cum albumine oui TABERNAEM. *l. c.* radicem cum oleo tritam LOBELII *lib. cit.* oleum compositum expressum VIERVS *De praestigiis daemonum, Basil.* 1583. 4. Sed aquas, pulueres, trochiscos, aliasque formas hinc conficiendi modum et vsum, VIERVS p. 315. silentio inuoluere maluit, ne malitia inde oriretur.

§. V.

De effectu salutari Belladonnae.

Quisnam crederet, *Belladonnā* post tot tantasque strages venenatas commemorandas, tamen a fide dignissimis viris, tam interne, quam externe summo cum fructu exhibitam fuisse? igitur etiam in laudem illius nonnulla dici posse credo. Semper vero est prudentis medici, in applicatione remediorum suspectorum, cum ratione potius timide, quam cum suo et aegrorum periculo animose progredi, licet in rationalis medici manu nullum dari Venenum, STÖERCKIUS sibi persuasum habeat; vide et *Meam scriptiunculam de Amygdalis et Oleo amararum aethereo*, Lips. 1776. p. 10. §. 6. Quod de aliis remediis, etiam de *Belladonna* valet: Laudatur ab his, culpatur ab illis. Mittam tam usum oeconomicum, dum ex baccarum succo colorem viridem praeparant pictores, BOECLERI *Cynos. mat. med.* p. 320. GMELIN. *l. c.* quam therapiam pecorum, nam ceruae mirifice foliis delectantur, CAMERARII *Hortus medicus*, Frf. 1588. 4. p. 163. GESNER *Hist. animal. cap. de Ceruo*. immo tota planta contra pecoris morbos extollitur, RVPPII *Flora Ienens.* 1745. 8. p. 252. ex quibus tantum luem bouillam, equinam et ouium *Hannov. Magaz.* 1768. n. 64. 1775. n. 68. *sqq.* nominare placet, etiam suis optimum esse praeservativum dicitur, TABERNAEM. TRAGVS. Progrediamur potius ad ea commemoranda, ubi in generis humani utilitatem adhibita est haec planta. Indi et Aegypti his foliis inter olera et cibos utuntur. BONTIVS *De medicina Indorum in Methodo medendi cap. 7.* *Belladonnā* continere principium volatile, quod putredini, et corruptioni cancrisae resistat, auctores nobis persuadent: Quamvis vero cancer nulli fere cedat medicamento, nisi ferro et Solano, secundum placita veterum, tamen TIMMERMANNVS *Periculum Belladonnae* p. 3. asserit, huius usum internum salutarem adversus cancerum, praesertim occultum, cum methodo, ea tuto utendi, satis diu in arcanis habitum fuisse. IVNCKERVS
Con-

Conspect. therap. gener. 1725. p. 491. quoque periculum fecit, opposuit aperto et occulto cancro dirissimo tollendo, et bene sub manu successit negotium cum *Belladonna*, in quo malo specifica, quamquam non semper aut innoxio aut felici euentu dicta fuit. GATAKER cum V. DOEVERN virtutem aduersus cancrum peculiarem negarunt, quod etiam confirmant ACREL *Chir. Händelser. Ed. 2. p. 40.* BAYLE *Practical essays* p. 37. igiturque in cancro non omni modo commendandam esse, iudicat HILL *The vegetable System. Vol. VIII. Lond. 1764. fol. p. 30.* immo nullam aegrotarum cancro vero, ubi *Belladonna* exhibita fuit, sed tantum infarctu simplici, glandulis induratis, humoribus exiguis et decubitu lacteo, laborasse, contendit RAULIN *Traité de fleurs blanches. T. II. Paris 1766. 12. p. 594.* quae incommoda aequae facile aliis remediis vinci potuissent. Nihilo secius in cancro occulto, et scirrhis induratis dolentibus apud plures aegras certo bonos eius effectus expertus est TIMMERMANNVS, nam dolores exquisitissimi cancrum concomitantur, et iis triplici modo *Belladonna* medetur, affluxum discutiendo, acrimoniam infringendo, et specificè eos sedando, ubi viginti aegras recenset, quae per *Belladonnā* sanatae sunt, absque eo, ut effectum quendam aduersum observauerit, excepta modo virgine, quae post primam dosin tam anxiosa, tamque animo confusa fiebat, ut morituram se crederet, quod tamen incommodum, elapsis duabus horis, cessauit. MARTEAU feminae de scirrho mammae dolente conquerenti, a minori dosi tandem ad gr. xj. *Belladonnae* infusi spirituosi, et COLLIGNON drachmam quotidie, infusi aquosi forma, virgini, mammarum cancro laboranti, cum leuamine exhibuit. *Journ. de med. T. XIV. p. 18. 22 sq.* Folia calefacta, et flaccida scirrhosos tumores emolliunt, cancrōs occultos ad suppurationem ducunt, et pus bonum reddunt MAPPI *lib. cit.* ALBERTI *l. c. T. I.* applicantur haemorrhoidibus et cancro, gangraenae, vlceribus carcinomatosis, BOECLER. *Lib. cit. P. I.*

c. V. foliis foliorum vlcera mammae sanata sunt QVER *Historia de las plantas, que se crien en Esppaña. T. III. Madrit. 1762. 4.* foliis recentibus, mammae impositis, duritiem tumoresque eius cancriferos emolliuit et discussit WILLVGBY; succus vt antidotum cancri tam exulcerati, quam non exulcerati commendatur ab Avicenna apud FAGAULTII *Instit. chirurg. L. I. c. 15. l. 3. c. 19.* DUPRÉ *de l' Isle traité sur le virus cancreux. Paris, 1774. 12.* DEGNERS depraedicauit vsum internum *Belladonnae* in cancro non exulcerato, et mirifice per eam se rem peregrisse testatus est TIMMERMANNI *Diff. p. 20.* Tincturae *Belladonnae* vtilitatem aduersus cancrum MARTEAU et VANDERBIER confirmant VANDERMONDE *in diario.* In cancro pro *Belladonnae* vfu militatur BELLOT *Vtrum in cancro Belladonnae vfu tum internus tum externus. Paris, 1760. 4.* Sed vbi in cancro putredo, et gangraena adfuerit, *Cicuta Belladonnae* praefenda, VANDENBLOCK *Journ. de med. T. XIV. 1761 Belladonna* contra, vbi acrimonia corrodens adesset, et fungosa caro excresceret, *Cicutae* anteponenda est. Tumor carcinomaticus in mamma ichorem et ex fungo excrescente sanguinem emisit; sed fomentationes cum decocto *Belladonnae* carnem fungosam compescebant, suppuration accedebat, et aegra conualuit AMOUREUX *Journ. de med. T. XIII. p. 47.* infuso foliorum absque stipitibus, tumor oui columbini magnitudine curatus est. *Lib. cit. p. 108.* Linguae tuberculum scirrhum *Belladonnae* vfu, et lapidis infernalis contactu sanauit TIMMERMANNVS. Pustulas linguae, inepta curatione mutatas in vlcera sulcata vere cancrifera, induratis marginibus, IVCKERVS decocto *Belladonnae* ex voto sanauit, nam crustae callosae partim abscesserunt, partim resolutae sunt, et postea mundificata et absterfa vlcera sese consolidarunt. Aqua ex tota planta destillata internas viscerum inflammationes exstinguit, nullo corporis incommodo. KOENIG *Rgn. veget. quadrip. Babil. 1708. 4.* Non dubitat cum veteribus OETTINGERS *Diff. de Bellad.*

lad. p. 33. quod cum emolumento interne adhibeatur in aliis mali moris vlceribus, phagedaenicis, verminosis, ex erysipellate natis, corruptis, inueteratis, cancriformibus; extus applicari in haemorrhoidibus, cancro, gangraena, vlceribus carcinomatosis, indicat BOECLER in *Hermanni mat. med. T. 2. p. 321.* In exulcerationibus vteri, succus iniici potest. Decoctum baccarum specificum contra hydrophobiam appellatur MAYERNE *Prax. med. syntagm. alt. p. 136.* radix profuit, in quibus iam signa manifesta rabiei caninae adfuerunt MURRAY *Apparat. medic. simpl. cet. Vol. 1. Gotting. 1776. 8. p. 439.* Infusum baccarum in cereuisia contra arthritidem vagam adhibuerunt SMETIVS *L. IV. p. 238.* MATTHIOL. GMELIN. Syrupi cochlear paruum ad fluxiones sistendas, dolores tollendos, et dysenteriam curandam laudat GESNERVS *Lib. cit.* Pastor quidam aduersus dysenteriam contagiosissimam summo cum fructu decumbentibus infusum baccarum vinosum propinauit, RAI *Hist. plant. p. 679.* Quod radicibus *Belladonnae* restitui possint maniaci, SIEGESBECKIVS commemorat, HEVCHE-RI *Nouus prouentus, Viteb. 1713. p. 13.* Idem MARDORF *De maniacis Gieffensibus a Solano furioso curatis, Gieffen, 1691.* SCHMUCKER *lib. cit.* Aegyptii pro somno conciliando dant drachmam vnam radicis cum aqua propria, PROSP. ALPIN. *de plant. Aeg. c. 42. p. 52.* ZORNII *Botanologia medica, p. 654.* foliis vtuntur ad inflammationes et ambustiones membrorum MOIBANVS in *Euporista l. I. c. II.* DIOSCORID. succum fronti et temporibus somni causa illinit. DARLVC insignes glandularum colli scirrhus inde curatos, et feminam tympaniticam multum inde allenatam adducit. Singulis fere titulis commendat DONDV *De remed. chirurg.* et folia cum cicuta in cataplas- matis formam contusa contra apostemata, et succum cum cerussa, lithargyrio et oleo rosato contra erysipelata, et radicem contra vlcera maligna. Vesicatoriis et exulcerationibus lenien- dis in febribus malignis hanc plantam ROBERTVS *De febr.*

mal. App. p. 420. commendat. Morfibus aspidum, puncturae scorpionum et araneorum mederi folia cum oleo trita, PLINIVS Hist. nat. l. 21. c. 31. l. 27. c. 8. APVLEIVS de herbis c. 22. et 74. Decoctum foliorum Belladonnae aquosum in arthritide Pharmac. Heluet. MOLENBROCK VAREN. opera c. 15. §. 13. SMETII Miscell. medic. l. 3. epist. 2. et in tumore carcinomato mammae Journ. de med. T. XIII. p. 47. LAMBERGEN Diff. p. 9. cum effectu exhibitum est; puluere Belladonnae et Rhei in apoplexia, melancholia, epilepsia, hemiplexia pituitosa EVERS Berl. Samml. l. c. SCHMUCKER Vermischte chir. Schriften, T. I. Berlin, 1776. 8. p. 185 sqq. vsus est, et eodem in mania confirmata, et variis symptomatibus a lochiis suppressis ortis. Ex lochiorum deficiente fluxu congestiones versus mammas ortae, in nodum durum, et postea in cancerum occultum mutatae, decocto Belladonnae resolutae et discussae sunt, vt plenaria sanitas secuta sit OETTINGER Diff. de Bellad. p. 27. Alii baccis spiritu frumenti infusis asthmaata Ephem. N. C. alii dolores dentium MATTHIOLI Frf. 1600. fol. p. 377. LOBELII Obseru. p. 134. APVLEIVS. infuso vinoso dysenteriam epidemicam, Ephem. German. obs. 64. dec. 2. ann. 3. RAIVS. curarunt. Vna cum saccharo Saturni Belladonnam in cancro occulto GENDRON. exhibet. ALBERTI Iurispr. med. p. 567. Cataplasinata ex Belladonna mammarum vlceribus applicantur Pharm. Heluet. Nodos dolorosos et pertinaces mammae, post puerperium et neglectam lactationem ortos, vsus pulueris ex granis duobus foliorum et granis decem sacchari per plures menses continuatus, secuta suppuratione et lactis nouo affluxu, tollit, teste LENTIN Beobacht. einiger Krankh. p. 90. succum cum albumine oui in oculis inflammatis lacrymantibus adhibuit TABERN. Lib. II. HEVRNIVS in Methodo ad praxin. l. 1. p. 71. Coecitas a variolis orta Belladonna feliciter curatur MVNCH. Hann. Magaz. 1773. n. 46. Idem effectus in initio cataractae. Radicis succus cum melle illitus, oculorum

lorum hebetudines tollit. Praesentaneum remedium dicitur ad dentes mobiles firmandos, si colluerentur *LOBELII Lib. cit.* In cancro aperto labii, ab infuso *Belladonnae* desquamationem *LVDWIGIVS Comment. Lips. Vol. VIII. p. 654.* vidit. Quum *Belladonna* urinae profluvium et perspirationem valde auget, putat *GATAKER Observations on the internal Use of the Solanum, p. 82.* aduersus hydropem feliciter adhiberi posse, quod etiam *Journ. de med. T. XI. LOBELII Obs. p. 134. MATTHIOL.* affirmant; stabiliuit tamen *GATAKER* parvam, vel potius nullam salutem ex huius plantae usu esse expectandam, nisi perspirationem, urinam aut aluum moueat. In calidis inflammationibus sine periculo adhiberi possunt tum radices, tum etiam baccae et folia *RAII Hist. plant.* In ulceribus variis praeter *Solanum*, et *Belladonna* morbum aut curauit, aut mitigauit, morsusque etiam periculi plenos. *GATAKER lib. cit.* In scirrho intestinorum inueterato *Belladonna* interne cum effectu adhibita est *Journ. de med. T. XI. p. 499.* Vsum *Belladonnae* dudum ad oculi inflammationes *WELSCHIVS Mitomim. pag. 9.* commendauit. Femina, verberibus tractata, de obtuso hypochondrii dextri dolore conquerebatur cum alui segnitie coniuncto. Post usum salis communis et rhei, flauus color, obscurior et profunde luteus oriebatur, cui exhibuit *GREDDING Aduers. med. pr. Vol. II. p. 314.* pilulam ex *Belladonna.* Quo facto altera pilula vix deglutita, praeter sudorem, iam binas alui deiectiones virides cum largiore urinae profluvio obseruabantur, quae postea cum quotidiano icteri decremento augebantur, tum die decimo ab ictero prorsus liberata fuit. Alterum extat exemplum, ubi icterus post has pilulas prorsus cessauit, dum mucus luteus ex naribus exibat. In tertio aegro icterum tantum imminutum obseruauit. *FUCHSIVS* cum *DIOSCORIDE* radices ʒj etiam ob vim eius diureticam contra icterum commendat. Radix, lacte in cataplasma cocta, tumorem insignem intestini recti, obstructionem alui creantem,

ano et perinaeo applicata, dissoluit GRAHAM in *med. et phil. commentaries. Vol. I. p. 419.* Teste MONTANO *De simpl. medicament. qualitat.* Mauri, Africae et gentes Syriae, succo interne vtuntur, vt curae domesticae obliuiscantur, et hilares fiant. MOIBANVS in *Euporista Diosc. l. I. c. II.* vult, aegris ante amputationem artus, radicem *Belladonnae*, loco Opii, adhiberi. TIMMERMANVS fatetur, se egregios *Belladonnae* effectus vidisse, vt saepenumero constituerit, peculiare, praeter *Periculum* iam laudatum, obseruationes conscribere. Praeter has celebratas *Belladonnae* vires medicas, alias quoque virtutes virulentas huic plantae tribuerunt tam veteres quam neoterici Aesculapii filii. Pedem igitur hinc mouebo, meque ad has vires indagandas conuertam.

§. VI.

Vires venenatae Belladonnae.

Si *Belladonnam* examini subiicimus, effectibus enumeratis non obstantibus, tota planta, ex clarissimorum virorum consensu, virulenta censetur; magis tamen baccae et radices, quam folia. Teste PLINIO *Hist. nat. l. 21. c. 31.* haec planta a DIOCLE et EVANORE panegyrico decantata, a TIMESTO carmine celebrata, a XENOCRATE malorum omnium medela vocitata fuit. Symptomata fontica enumeranda satis indicabunt, *Belladonnam* vix plantam agnoscere operandi et nocendi celeritate se superiorem, et ideo exceptis ouibus MVNCH. *Hann. Magaz. 1767. p. 1013.* vix ab vilo animalium genere appeti. Adeo est venenata, vt, a boue deuorata, illum in furorem exagitet, vt cornubus irruat in armenta, eaque vulneret. HEBENSTREIT *Anthropol. forens. Lips. 1753. 8. p. 91.* Plantas suspectas et venenatas aegris exhibere, nefas esset, antequam certo constet, qua forma, et qua dosi sine omni prorsus detrimento dari possunt. LINNAEVS *Philosoph. botan. p. 278.* suadet, vires plantarum desumi a fructificatione, obseruato sapore, odore, colore, loco. Baccae dolosa sua speciositate, et saporis suauitate

vitae, et splendido suo nitore oculis et palato arridentes, perniciosissimi effectus pericula occultant, immo fere insipidae sunt, nisi quod aliqua visciditas cum leui vi adstrictoria percipiatur. Radices et folia tam recentia, quam sicca, ingrato carent sapore; sed symptomata, eorum deglutitionem excipientia, immo si externe adhibita fuerint, omnem plane superant fidem. *Odo-rem* si perpendimus, fatuus ille est, virosus et nauseabundus, caput aliquo modo disturbans, spiritusque confundens. De loco et colore §. II. iam egimus. Niger baccarum *color*, in plerisque LINNAEO suspectus et Venenum indicans, in Nostri quoque apparet. Quam venenosa et deleteria qualitate gaudeat *Belladonna*, et quantas hinc inde strages ediderit, de eo pleni sunt botanicorum libri, nec exempla infrequentia, MANETTI *Viridar. Florent. 1751. 8. p. 21.* experiri voluit, an baccae *Belladonnae*, in cuniculi ventriculum demissae, Veneni symptoma excitarent, quale LINN. in *hort. Ups. p. 299.* de Coriaria vulgari adnotauit, sed nullum obseruauit; nec succus baccarum dilutus, per iugularem venam in cor iniectus, Veneni symptoma produxit, cum praeter stuporem ac leuiore corporis subsultus, non horae spatio perdurantes, nil aliud procreauit. Succus 20 baccarum *Belladonnae*, per vim in catuli ventriculum immissus, excitauit ventriculi conuulsionem, singultum aemulante, semi horae spatio durantem, quae tamen nullum vomitum progenuit. Legatur etiam CARL. *De noxio usu Belladonnae in arthritide. Eph. N. C. Vol. IV. obs. 86.* In canis ventriculum baccae demissae, nullum Veneni symptoma obseruauit ROSSI *De plant. quae venenatis habentur. Florent. 1762. 4.* Aggrediamur iam singularum *Belladonnae* partium vires.

§. VII.

De viribus radicum Belladonnae.

De radice dicamus primum. Funestos eius effectus recenset *Misc. nat. cur. Vol. II. obs. 119.* A drachmis duabus tantum appetitum deleri, CESNERVS habet. Radicis minor do-

fis, species vanas et imagines menti iucundas repraesentat; duplicata, mentis alienationes et spectra; quadruplicata, mortem adfert ORIBAS. *l. 15. p. 510.* DIOSCORID. *VIERYS p. 320.* MATTHIOLI ait: un scropolo della radice nel vino bevuto, ammazza, e fa, che non si possa mangiare cibo veruno. *Comment. Diosc. della mater. medic. Venet. 1604. fol.* Drachmam in vino maceratam tanta exceptit faucium occlusio, vt ne minimo quidem bolo aut guttula appetitui satisfacere possint, nisi hau-
 stu aceti, hoc incommodum profligante, subleuentur. A drach-
 mis tribus perpetuae ortae sunt furiae A STAPEL. ORIBAS. et infania, quae solui nequuit. Larga dosi radix adhibita, et-
 tiam sanis mortem infert. *Ephem. German. Dec. II. a. 10. obs. 108.* Ex errore pharmacopoei minima quantitas radicis, inter species mixta, tristissimos producebat effectus; facies pal-
 lebat, ebriorum adinstar, saliuâ incrassata et viscida in fauci-
 bus et lingua haerebat, somnolentia, temulentia, nausea, vo-
 mitus, vrinae excretio impedita, aliaque oriebantur sympto-
 mata WEICHARDTI, amici optimi, *Diff. de Pharmacopoliis rite constituendis, Lips. 1776. p. 25.* Sensus stupidos, vertiginem, soporem, visionem erroneam, quod obiecta visa sint duplicia, virium languorem inde proficisci, SICELIVS *Diatr. botan. med.* et calorem vrentem oculorum WEPFERYS allegauit, oculis li-
 cet apertissimis, clarissimis, planeque splendentibus, coecutiebat penitus, FABRI *Strychnom. p. 4. obs. 1.* alii lacrimabant, in aliis erat rubor faciei et tumor ALBRECHT *Commerc. litt. Nor. 1731. p. 332.* Rubet vultus tumens, scintillantes, toruos, prae se fe-
 rens oculos, omni puncto cutis reliquo pallente *Eph. Germ. T. II. obs. 60.* Spasnum cynicum GMELIN *lib. cit.* appeten-
 tiam languidam A STAPEL. SCHENCK *Obs.* et impossibilitatem deglutiendi producit. Hinc gulosis parasitis hoc appositum vinum aliquis, cum optimis cibis, sed nihil cibi ingerere po-
 tuerunt. MATTHIOL. *comment. ad L. IV. c. 69.* PORTAE *Ma-
 gia naturalis, l. 14. c. 13.* LOBEL. Alii obseruarunt torporem

capitis cum mentis alienatione, alui adstrictione, digestionem languida, et decremento virium. HOFFM. *med. rat.* p. 273. Fures nebulonesque radice abutuntur, ut somno grauiori sepultos bonis exuant commodius. Tantillum radice cum confertis mixtum sitibundis dant agyrtae. BUCHANANVS *Historia Scotiae Frs.* 1584. 8. p. 199. exponit, quo pacto huius plantae succo, panem, vina et cereuisciam Scoti infecerint, unde Danos, hostes suos, in quorum castra infestus iste commeatus Scotorum dolo peruenerat, ita dementarint, et in somnum induxerint, ut eorum ducem *Suenonem* cum toto exercitu dele-re possent. De cortice huius radice iudicat ORIBASIVS *lib.* 15. hanc foris admotam, ficare secundo ordine completo, et incipiente secundo refrigerare. Si cum vino bibatur, somnum accersit, MATTHIOL. *comment. Diosc.* l. 4. c. 69. opio mitiorem LOBEL. *Obs. stirp.* ALPINVS *de plant. Aegypt. Venet.* 1592. 4. c. 42. p. 51. Cortex foris applicatur ad vlcera maligna et depascentia curanda FUCHSII *Hist. stirp.* c. 264. Singula huc spectantia monumenta ex omnibus fere antiquitatum et recentiorum fontibus satis operose eruisse videor. Progrediamur nunc ad alias *Belladonnae* partes.

§. VIII.

De foliorum viribus.

Vires venenatas non tantum in *Belladonnae* radicibus, sed etiam in foliis baccisque existere, et fere eosdem edere effectus, nunc mihi exemplis illustrandum esse censeo. A grano dimidio vel vno herbae siccatae cum aqua feruenti infusae, iam calor totius corporis cum sudore copiosiore oriebatur, EVERSGREDING. in alio vrinae maior copia et insignis excitata acrimonia, viaeque vrinae arrosae, *Journ. de med. T. XIII. p. 108.* in aliis vero lotium suppressum DARLVC. In quibusdam alvus constipata, *Advers. med. pract.* in aliis soluta, insuper vero nausea, vomitus, ructus, pressio ventriculi, cephalalgia, verti-

go, obnubilatio visus, aliaque symptomata oriebantur paralytica LEWIS *Mat. med.* siccitas oris et amarities per duas horas percepta, LAMBERGEN *Diff. cit. p. 9.* et totius oesophagi; lingua fiebat alba et arida, et salivam deglutientis palato sese adglutinabat; difficulter verba proferre valebat, idem homo vocem raucam et obscuram emittebat. *Journ. de med. T. XI. p. 509.* Furorem et coecitatem oriri WEPFER *De cicut. aquat.* variis observationibus probare annisus est; coecitatem vero temporariam et visus hebetudinem BROMFIELD *Götting. gelehrt. Anzeig. 1758. p. 1416.* inque sex aegris caliginem seu plenariam coecitatem, hebetudinem oculorum cum dilatatione pupillae EVERS ipse expertus est. FABER. GREDING. Iam duo vel tria foliorum grana visus debilitatem produxerunt THALII *Silua Hercyn.* Oculi adeo obnubilati erant, ut nec manum obuersantem aduerterent aut nictitarent FABRI *Strychnom.* Secutae etiam sunt ex foliorum usu inflammationes ventriculi, conuulsiones, mors *Pharmac. Heluet.* Magna foliorum copia in decocto propinata, conciliandae quietis gratia, letali somno oppressit SCHENCKII *Obs. med.* In aliis accesserunt spasmi, atonia variarum partium, conquassatio capitis, oscitationes, singultus, tussis conuulsiva, facies pallida; in aliis faciei rubor, frigus et horror, anxietas praecordiorum, dolores rheumatici, maculae et pustulae, somnolentia, torpor, *Aduersf. med. pr. Vol. I. P. IV. p. 637.* trismus ACKERMANNI *Diff. de Trismo. Göttingen, 8.* neruorum distensiones, spasmus maxillae HASENESTIVS *Act. acad. N. C. Vol. III. obs. 85.* delirium, cachinni, gesticulationes, insania, stupor mentis, qualis est ebriorum vigilantium ab infuso herbae vinoso RAII *hist. plant.* Ab eodem sopor letalis obseruabatur, ardores interni cum insigni virium decremento VALENTINI *Act. phys. med. Vol. II. obs. 119.* THALII *Silua Hercyn.* ZACHIAS *Quaest. medico-legal. T. I. l. 2. tit. 1.* et pupillae relaxatio, si folii recentis particula oculo apposita fuit. Folia aquae infusa non sine omni noxa potantur, quum
et

et somnum moneant, et *αυγλωσ* laedant oculum, pupillae ipsius paralyticam inducendo laxitatem, immo coecitatem, licet superabilem, etiam externe saltem oculo applicata *VOGEL Mat. med. p. 53.* Femina, cancro occulto laborans, pugni magnitudinis et insignis doloris, cum infusum aliquot hebdomadibus sumfisset, coeca euadebat. *I V N C K E R V S* obstupescens, vsumque abrumpens, ex re ipsa consilium cepit, videlicet orgasmum sanguinis contemperandi, donec octo dierum spatio visus recuperaretur. Noua autem coecitas oriebatur ab vfu continuo, non minus profligabilis *In epist. ad Timmermann. p. 22.* *G A L E N V S* affirmat, drachmam vnam absque noxa adhibitam fuisse, sed vnciam semis mortem conciliasse *P L E N K Mat. chir. p. 401.* Variis rebus praeter *Belladonnā*, inhaerere vim, sanguini conciliandi singularem diathesin, comprobare annititur *D E H A E N Ratio medendi. P. II. 1760. p. 36.* quippe cuius contra cancrum adhibitae vfu tam insignis copia puris prolecta fuerit, vt inde duae feminae ob summam debilitatem fere extinguerentur. Vtrique periit appetitus, liquidior reddita aluus, dolor auctus, vertigo molesta, languorque tantus fuit, vt, quae poterant extra lectum iam versari per totum diem, eidem denuo inhaerere cogerentur, donec herbae vfu seponeretur. *G R E D I N G* repetita experimenta instituit, et tentamen eius *De Belladonnae viribus et efficacia in epilepsia habituali et mania* legi meretur *Aduers. med. pr. loc. cit.* vbi sincerime enumerat effectus accuratissime notatos. Quamuis vero ex recensitis exemplis ne vllus quidem ab epilepsia prorsus liberatus sit, sunt tamen leuaminis, quod in imminuenda epilepsia habituali non solum, sed etiam in mitiganda tollendaque mentis alienatione cernebatur; itaque concludit, paruum dosin his aegris tuto exhiberi posse *R A T T R A Y V S De sympath. et antip. p. 36.* phrenitidem et amorem insanum caussari asserit; in nonnullis auditus grauitatem *Aduers. med. pr.* et susurrum, in aliis aurium tinnitum *Histoire de l'acad. des sc.* excitauit. Immo *R H O D I V S Analect. in Septal.*

l. 6. p. 201. contendit, externe folia adhibita, insaniam producere.

§. IX.

De baccarum viribus.

Ordinis ratio nunc postulat, vt pariter baccas toxicatas consideremus. Nam florum vis nusquam notata est. Igitur exempla quidem occurrunt, tres immo quatuor baccas absque sanitatis iactura vel vitae dispendio, deglutitas fuisse, LEWIS *Mat. med.* p. 550. HALLERI *Stirp. Helvet. T. I. Bernae 1768. fol. p. 251.* cuius rei causa quaerenda est vel in idiosyncrasia ad vomitum prona, vel in diuturniori decoctione, vel in constitutione primarum viarum, si cruditates adsunt, aut acidum ibi dominatur. Ill. HALLERVS vero his conditionibus adiicit hanc, si huic Veneno homo iam affuetus sit. SOLENANDER vero puerum ex vnus baccae esu furere, nec vllum parentem agnoscere, *Der Königl. Akad. der Wissensch. botan. Abhandl. Bresl. 1750. p. 364.* atque animo corporeque languere VIERVS *De praest. daem. p. 317.* vidit. Baccae post horam fere elapsam virus suum ostendere solent. Ex duobus adolescentibus, baccas deuorantibus, alter obiit, alter euasit THEOPHR. ERES. *in hist. plant. Amstelod. 1644. p. 586.* Teste V. SWIETEN. chirurgus a quatuor baccis mortuus est. HEUCHERI *nou. prou. p. 29.* STERREBECK *in praefat. theatri fungorum p. 352.* *Three Bodies did eat of that Fruit, two whereof died in less than eight Houres* GERARD'S *Herbal.* SCHRECKIVS puerum a baccis furentem et mortuum fuisse notauit. *Act. acad. N. C. Vol. IV. obs. 41.* GOECKELIVS puellam a nonnullis baccis mortuam vidit. *Fränk. Samml. T. III. Norib. 1758. 8. p. 44.* PAVLLI *Quadrip. botan.* Etiam ERNDL *Diss. ex Veneno salus. Gieff. 1691.* observationem habet, baccarum *Belladonnae* funesto effectum comestorum. MERCVRIALIS ipse vidit, pueros pulchritudine fructuum allectos, interiisse. *Tractat. varii. Lugdb. 1618. 4. l. 1.*

l. i. c. 13. SCHENCKII *Obs. med.* BOCK *Hist. stirp. l. 3. c. 24.*
 DODON. *p. 453.* Baccae primum maniam, deinde mortem
 inducunt, CRANTZ *Mat. med. et chir. T. III. p. 55. Act. phys. med.*
Vol. VI. in omniaetate HILL *The vegetable system. Pharmac. Helvet.*
 STENTZEL *p. 61.* largaque dosi a sanissimis adhibitae, mire quoque
 celerem VALENTINI *Act. phys. med. Vol. II. p. 276.* Si etiam non
 semper letali ore sumtae fuerunt, tamen plerumque grauissima
 et incredibilia sequuntur symptomata, quae ratione modi,
 quantitatis, temperamenti, aetatis, sexus, morbi praegressi, con-
 stitutionis corporis, et antidoti exhibiti quam maxime diffe-
 runt, nam subiectis sensilibus, delicatulis, hysteriis, hypo-
 chondriacis, sanguineis, biliosis, terrifica inducunt symptoma-
 ta. Omnes fere actiones vitales, animales et naturales vna
 bacca in ventriculo haerens turbauit, BOERHAAVE *De morb.*
neruor. p. 371. igitur fructus interne numquam vsurpari debent.
 BOECLERI *Cynosur. p. 320.* Baccae efficaces creduntur in re
 venerea. SCHENCKII *l. c.* Mirandum utique est, consuetas
 euacuationes fere omnes aut aboleri, aut impediri; solam diu-
 resin vero esse frequentem (quam qualitatem diureticam *Bel-*
ladonna cum omnibus Solanis communem habet,) AETIVS
Tetr. I. Sermo I. p. 56. HORST. *Oper. II. p. 488.* LEWIS *Mat.*
med. Samml. auserles. Abhandl. Vol. II. Leipz. 1774. 8. p. 108.
 MATTHIOLI. In quinque aegris crebram mictionem obseruauit
 FABER *Strychnom.* et inuoluntariam DU MOULIN *Journ. de*
med. T. XI. p. 119. Vrina erat tenuis, aquosa, pallida, fre-
 quens et magna copia *Eph. Germ. T. II. obs. 60.* In aliis ve-
 ro vrina penitus suppressa fuit, vt aegrotus non nisi guttatim
 lotium emittere valeret *Journ. de med. T. XI. p. 509. Acad. reg. sc.*
1756. similes effectus contrarios etiam respectu alui obseruauit
 HOFFMANNVS, qui asserit, aluum adstrictam *Medic. ration.*
p. 273. caussari, tenesinum et tormina FABRI *Strychnom. p. 13.*
obs. 5. sed LEWIS *Mat. med. p. 550.* aluum solutam, et VANDER-
 MONDE ani et vesicae sphincteris laxationem *Journ. de med.*
T. XI.

T. XI. p. 119. Faex aluina erat alba instar calcis WEINMANN.
T. I. p. 138. ob defectum tincturae biliosae. HASENESTIVS
Act. phys. med. Vol. III. p. 282. vehementissimos, sed etiam ad-
modum ridiculos effectus notavit. Perspirationem a baccis
augeri, GATAKER duobus exemplis refert, et inde ad hy-
dropem curandum suadet *Observations on the internal Use of*
the Solanum. p. 82. Sudorem largiorem FABER *Strychnom.*
p. 4. obs. 1. observavit, et capillos madide rigentes *Eph. Germ. T. II.*
obs. 60. Cutis deprehendebatur sicca, ardens, rubefacta SAU-
VAGES *Nosol. method. T. V. p. 497.* Deglutitae baccae stran-
gulant oesophagum, lingua tegitur albo et spisso muco, *Histoi-*
re de l'acad. des sc. p. 72. ZORNII *Botanol. med. OETTIN-*
GERI Diff. p. 5. Dentes fortiter compressi erant, ut instrumen-
to aperiri oportebat MAY *Hann. Magaz. 1773. n. 97.* in aliis
aqua cum magna difficultate sumitur, sed bolus sine faucium
laesione aut dolore, inito conatu deglutiri non potest, GES-
NER. *Lib. 1. epist. c. 34.* GMELIN *l. c.* FABER in novem aegris
Miscell. N. C. dec. 3. ann. 9. 10. obs. 92. BONETI *polyalthes. T. II.*
p. 566. nam spasium pharyngis peculiariter prae omnibus Ve-
nenis vegetabilibus et semper inducit, *Belladonna*, de quo PE-
LARGVS *Obseru. clinicae. M. Oct. 1722. p. 479 sq.* fuisse egit.
Baccae deglutitae crebros excitant vomitus, DEHNE *Commerc.*
litt. Nor. 1743. p. 61. MANGETTI *p. 814.* sitim inexplibilem
et intensissimam, WEPFER *De vicut. aquat. c. 17. p. 227.* *Ad-*
vers. med. pract. Vol. I. P. IV. cum stridore dentium et convul-
sionibus MURRAY *Apparat. medicaminum. Vol. I. p. 431.* Rusti-
cus vero siccitatem oris absque siti sentiebat, *Hist. de l'acad.*
Journ. de med. T. XI, p. 509. vocem raucam et obscuram MAN-
GETTI observavit. Ob continuitatem tunicarum, a ventricu-
lo ad oesophagum et palatum, fertur illa adstrictoria et exsic-
cans qualitas, quae primum per laryngem et linguam diffundi-
tur. Sapor inde deletur GVERINI *Diff. veget. de venenat. Al-*
sat. ob amaritiem oris, *Aduers. med. pract. l. c.* oriuntur borbo-
rygmi,

rygmi *Hist. de l'acad. des sc. p. 72.* appetitus deprauatus, HOFFM. *Medic. rat. p. 273.* DE HAEN in *Indice p. 58.* dolor et inflammatio ventriculi HALLERI *Stirp. Heluet. T. III. obs. 185. Pharmac. Heluet. et intestinorum, Commerc. litt. Noric. 1743. hebd. 8. digestio languida, HOFFMANNI l. c. abdomen tumidum, DE LAUNAY Acad. reg. sc. 1756. p. 72. Fränk. Samml. p. 44. hypochondria valde tensa MANGETTI p. 814. WEPFER De cicut. aquat. Baccae Belladonnae in ventriculo commorantes, varios motus distortiuos excitarunt, qui, his vomitu eiectis, cessarunt, quamquam procul dubio baccarum particulae, ad semen et pelliculam consumtarum, sanguini immixtae essent. WAGNERVS *Ephem. Germ. dec. 2. a. 10. obs. 108.* WEPFER p. 227. et MANGETTI l. c. cardialgiam inde describunt. Sopiunt vim irritabilem neruorum ventriculi, adeo, vt vix quatuordecim grana tartari emetici vomitum excitarent THEMEL *Obererzgeb. Journ. Annab. 8. MURRAY loc. cit.* Tristissimae comprobarunt experientiae, *Belladonnae* fructus non in primis viis solum effectus prodere venenatos, sed etiam organis vitalibus summopere esse contrarios, secundum placita Cl. viro-
rum. Nonnulli conqueruntur de angustia pectoris, FABRI *Strychnom. p. 13. obs. 5. de difficultate respirandi, Acad. reg. sc. GMELIN. MANGETTI. HOFFM. WEPFER De cicut. aquat. et stertore, FABRI Strychn. p. 9. obs. 2. de respiratione violenta, parua, crebra, anxia, Ephem. Germ. T. II. obs. 60. anhelitu difficili cum succussionibus frequentibus, FABER l. c. alii quasi mortui nullum trahebant spiritum, MANGETTI T. IV. p. 814. in aliis pulsus languidus, depressus, paruus, HOFFM. lib. cit. exilis, contractus, durus, FABER p. 4. admodum frequens Hist. de l'acad. p. 72. celer et debilis MANGETTI. WEPFER c. 17. p. 227. Ephem. Germ. T. II. p. 216. deprehendebatur, in aliis pulsus erat celer et inaequalis, cum calore vehementi, stertore, difficili respiratione, spasticis artuum motibus, linguae balbutie LAMBERT in PRESTWICH'S *Poisons. p. 132.***

et faucium inflammatione, RAV *Act. phys. med. Vol. X. obs. 24. p. 91.* Tremorem et insaniam BOECLERVS *Cynof. mat. met. P. I. c. V.* amentiam VIERVS *de praest. daemon.* soporem MAPPI *Hist. plant. Alsat. p. 36.* BOECLER *l. c.* VALENTINI *obs. 118.* torporem HOFFMANNVS *Medic. rat. p. 275. §. 7.* vidit, et stuporem mentis producant adeo, vt nullum aliud quid in rerum natura tam celeriter sanum et intelligentem hominem, stolidum et stupidum reddere possit, quam hoc narcoticum. Somnolentiam, mentem alienatam, insomnia, terroris et phantasmatum plena, spectraque conspicua ASTAPEL *p. 1078.* lethargum, *Eph. Germ. dec. 2. a. 10. obs. 108.* somnum altissimum, inexpugnabilem et semisepultum VIERVS *De praest. daem. p. 315.* suffocationem TIMMERMANNI *Diff. de Belladonna. p. 3.* temulentiam, FABRI *Strychnoman.* vertiginem, DE HAEN *In Indice p. 58.* quem et ipse EVERS *Berl. Samml. T. V. p. 565.* SCHMUCKER. *l. c.* vires inuestigando, expertus est; furorem, SCOPOLI *Flora Carniolica. p. 288.* SENNERTI *opera. Lugdb. 1676. fol. L. VI. P. VII. c. IX. p. 276.* VATERI *l. c. p. 853.* maniam, CRANTZII *l. c.* DU MOULIN. HOFFM. MATTHIOLI. motum conuulsium, *Fränk. Samml. T. III. Comm. litt. Nor. 1743. p. 61.* et delirium, MAPPI *l. c. p. 36.* cui mox tetanus succedebat, LINDESTOLPE *De Venen. Frf. 1739. 8.* baccae producant. Conuulsionibus aegri laborabant enormibus, MASDORF *Diff. BOULDVC Acad. reg. sc. 1703. p. 56.* *Pharm. Heluet. Comment. Lips. Vol. XIII. p. 250.* BOUCHER *Journ. de med. T. XXIV. p. 310.* epilepsiam veram mentientibus, GLIMM *Ephem. German. T. II. obs. 60. p. 216.* membra torquebant, MANGETT. WEPFER. LEWIS. *Mat. med.* mordent et dilacerant, quaecunque in manus veniunt *Journ. de med. T. XI. p. 119.* Colorem brachiorum coeruleum inde annotauit FABER. Paralyfin pedum, *Journ. de med. l. c.* capitis debilitatem, *Hist. de l'acad. des sciences.* risum Sardonium et cachinnos, *Comment. Lips. l. c.* RAII *Hist. plant.* FABRI *Strychnom. p. 4. obs. 1.* arthri-

thritidem vagam in facie et maxilla inferiori, GMELIN *l. c.* et in toto corpore, *Hist. de l'acad. des sc.* febrem acutam, STENTZEL *De Venen. acut. p. 61. Comment. Lips. Vol. XIII. p. 250.* anxietates, *Commerc. litt. Nor. l. c.* maniam, BLACKWELLI *Collect. stirpium*, et apoplexiam letalem *Eph. Germ. dec. 2. a. 10. obs. 108.* produxit. Quod attinet ad sensum visus, CAMERAR. in puero, qui has baccas deglutauerat, coecitatem obseruauit, nullo apparente oculorum vitio WEPFER *c. 17. p. 227.* palpebris diductis pupilla perstitit immobilis MAY *Hann. Magaz. 1773. n. 97.* PRESTWICH'S *Poisons. London. 1775. 8. p. 132.* Baccae quindecim oculis varias insectorum imagines, tamquam lemorum ludibria obuolitari fecerunt. Immo in legendis libris praeter candidum marginem, nigris areis circumfufum, nihil agnoscere quidam potuit SCHENCK *Obs. medic. Balneator curiositatis gratia vnam baccam ore comprimebat, et degustabat, postmodum succum exspuebat, cui mox vesicula in palato excitabatur, qua linteolo rupta, humor emanabat flauus, dulcis, ac eiusdem plane cum baccis, saporis, sine dolore tamen alioue incommodo FABRI Strychnom. p. 18. obs. 13. et p. 11.* Quisnam est, qui non a fructibus, eiusmodi symptomata producentibus, abhorreret, quod assistentibus variis autoribus satis superque comprobatum esse videtur. Ne vero diutius quam par est, his exemplis immoremur, et potius commentationem spissi voluminis, quam solitam Dissertationis molem conscribere videamur, pedem hinc mouere placuit.

§. X.

Seminis Belladonnae vires venenatae.

Supereft, vt nunc pariter breuibus agatur de seminis effectu. Fructus et semina mucagine volatili praedita esse BOECLERVS *Cynof. mat. med. pag. 320.* recenset. Hinc femini huic vrinam ciendi vis adscribitur KOENIG *Regn. veget. quadrip. p. 1023.* GALEN. *De simplic. medicam. facult. L. VIII. p. 127.* minime vero hoc semen ad calculum arcendum et diure-

fin promouendam OETTINGERVS in *Diff. de Belladonna tamquam specifico in cancro occulto*, commendat, quia meliora et tutiora prostant, quibus hisce indicationibus satisfacere possumus. Symptomata grauissima, ab esu seminum *Belladonnae* orta, describuntur In *Nouis Act. N.C. Vol. II. ao. 1761. De Belladonna* in genere, nihil hic loci addam, nisi quod commonefaciendos horti cultura sese oblectantes parentes arbitrer, vt solitariam hanc plantandam curent, quum ob fructuum similitudinem et elegantiam, quae aemulatur matura cerasa nigra, facile inuitet, aut pelliciat infantulos, vt iis vescantur, sed quoque enecentur, aut fatiscant, quod magno suo infortunio et dolore D. MÜNTING, Groeningensis medicus, in binis propriis liberis expertus est VALENTINI *Act. phys. med. Vol. II. p. 274.* Post varios infortunatos casus, Erlangae, iussu magistratus, nonnulli frutices *Belladonnae*, baccis maturis ornati, in foro publico suspensi fuerunt, vt insciis ciuibz loco admonitionis essent, GÖCKEL *Fränck. Samml. T. III. Nürnberg 1758. 8. p. 46.*

§. XI.

Mutationes in cadaueribus Belladonnae vi extinctis repertae.

Licebit mihi, adicere adhuc nonnullas obseruationes, quas in cadaueribus, hoc viru deletis, quidam celeberrimi Viri memoriae prodiderunt. MAPPVS ciuem vidit, qui ab assumtis duabus libris vini albi, succo *Belladonnae*, ad colorem rubrum conciliandum, infucati, subito mortuus est, gangraena succedente vniuersali per totum corpus, quod breui totum nigredine infectum fuit, et ita flaccidum redditum, vt cuticula chirurgi manibus adhaereret, cum illud, iussu magistratus, sectioni subiicere, et in morbi causam inquirere conaretur. Superficiem ex nigredine coerulescentem, exustiones subito in putredinem abeuntes, inde foetorem intolerabilem, vt hora a morte duodecima, nemo sectioni adesse cuperet, GMELINVS *l. c.* descri-

scribit, in eiusdem cadaueris facie, pectore, abdomine, dorso et artubus erant pustulae latae, coerulescentes. WAGNERVS *Ephem. Germ. dec. 2. a. 10. obs. 108.* obseruauit totum corpus paullo post mortem incredibiliter tumens, ex ore, naribus et oculis sanguinem spumofum, ex abdomine, scroto, pene, tactu lapidis in modum duris, aquam foetidam spumofam effluentem, et cultros anatomicos arrodentem. Sub dissectione apparuerunt ventriculus, intestina, mesenterium, hepar, pulmones, inflammata SCHRECK *Act. acad. N. C. Vol. IV. obs. 41.* sed hepar et pulmones inflammata negat GOECKEL *Fränk. Samml. Commenc. litt. Noric. 1743. p. 61.* immo in ventriculo tria occurrebant loca erosa BOULDUC *Acad. reg. sc. 1703. p. 56.* Filiolam quinquennem dissecauit GOECKELIVS *Fränk. Samml. T. III. p. 44.* cuius abdomen tumens, et intestina flatibus distenta, sed neque inflammata neque laesa; ventriculus vero cum duodeno inflammatione correptus erat. Splen, renes, vesica fellea et vrinaria, itemque oesophagus, nulla habebant inflammationis vestigia. Splenem putrilaginosum vidit GMELINVS, itemque cerebrum. Ventriculum et intestina inflammata, vasa omenti et hepatis praetumida vidit HALLERVS *Hist. stirp. Helvet. T. III. Bernae, fol. p. 185.* et in ventriculo pelliculas a bacis relictas; in alio baccas immutatas *Journ. de med. 1759. Aug. 1766. Apr.* inuenerunt. FABER inter signa pathognominica hoc Veneno demortuorum refert: adstrictionem orificiorum ventriculi, siccitatem tunicarum, plenitudinem vasorum vrinariorum. Dorsi et extremorum a colore liuido coeruleoque contaminationem. Spumam oris et narium, deiectiones post mortem, rugitus hypochondriorum *Strychnom. p. 84.* Corpus distendebatur post mortem, ac coeruleo colore tingebatur, praesertim in extremitatibus digitorum, ac spumam ad alteram vsque diem ore eructabat *Lib. cit. p. 14. obs. 6.*

§. XII.

Historia propriae observationis.

Operae pretium facturus esse videor, in scribenda Dissertatione inaugurali, propriam afferre observationem, quae mihi contigit, dum tyrocinia pharmaceutica Hamburgi, sub auunculi mei, OHRTMANNI, Viri in hac arte peritissimi, directorio ponerem. Desiderabatur a medico prudentissimo et felicissimo D. REIMARO extractum *Belladonnae*. Quam herbam recentem vna cum floribus et fructibus subtilissime conscindens, ad tincturam eo melius extrahendam et excoquendam, inauspicato guttula herbae, vel baccae succulentae in oculum meum dextrum inspergitur. Hoc sentiens, incassum hanc exiguam oculi irritationem manibus amouere intendo. Vix tria horae minuta praeterlapsa, irritatione cessante, aliqua huius oculi oriebatur obnubilatio, quae singulis crescebat momentis. Post horae quadrantem plena oriebatur coecitas absque vlllo dolore, altero oculo superstite sano. Pessimum inde metuens, OHRTMANNVS, acetum rutaceum et bezoardicum intus sumendum mihi propinabat, externe vero oculum aqua frigida absque effectu eluebam. Quo facto ab Exp. REIMARO consilium petens, tribus hebdomadibus peractis, pristina oculi sanitas restituebatur. Historia huius observationis ex Cel. REIMARI literis ad me datis, qui meo, de *Belladonna* scribendi, consilio stimulos addidit, optime lucebit:

„Quod attinet ad oculum Tuum, scribit, olim, inter con-
 „scindendum *Atropae Belladonnae* herbam, ita affectum, vt per
 „aliquod tempus fere visu priuaretur, probe memini. De-
 „prehendi nempe iridem eius oculi adeo resolutam et paten-
 „tem, vt fere dimidia tantum lineae latitudo ambitus superes-
 „set, ampla vero choroideae nigrities transpareret. Iam, cum
 „effectum similem ab ore assumpta *Belladonna* obseruari nossem,
 „non dubitavi, quod ipse Tu quoque suspicatus fueras, ex-
 „terne applicatum Venenum idem efficere posse, et ab insper-
 „so

„so inter parandum succo paralyfin illam ortam, quam tamen
 „duraturam haud esse speravi. Interius iam acetum quoddam
 „concentratum assumeras, in cuius usu pergendum esse ratus
 „sum: suasi tantum, ut simul ad irritandos nervos exterius vo-
 „latilis oleosi spiritus vapores oculo aegro admitterentur. Siue
 „igitur sponte, seu his adiuuantibus medicamentis, factum est,
 „ut sensim et visus oculo et contractio pupillae redirent —.
 „Ego vero mecum reputans, istam *Belladonnae* vim haud sper-
 „nendo in chirurgia usus esse posse cogito. Nempe cum in
 „excidenda lente crystallina, sicubi pelluciditatem amiserit, haud
 „leue impedimentum obiiciat irritatio et contractio nimia pu-
 „pillae, adeo ut saepe iris per educendam lentem laceretur;
 „quidni succo *Belladonnae* paralyfin illi innocuam per aliquod
 „tempus inducimus? Nec solum extractio lentis inde longe fa-
 „cilior obtineretur, sed et simul illud incommodi, ne oculus
 „repentino lucis sensu laederetur“

Placuit imprimis hoc propositum, quia in scriptis im-
 mortalis et fide dignissimi BOERHAVII, ut unicum tan-
 tum excitem testimonium, inueni: „Baccas *Solani melanoce-
 rasi* in oculo nil mali facere.“ *De morb. neruor. p. 371.* quod
 aliorum Virorum experientiae et meae contradicere videtur.
 Patet inde, usum *Belladonnae* ab aliis innocuum, ab aliis salu-
 brem, a plurimis noxium et deleterium habitum fuisse. Igitur
 non ex contradictionis cupidine, sed veritatis gratia perpauca
 experimenta commemoranda cum animalibus summa institui
 cura et attentione. RAIUS *Hist. plant. L. 13. c. 23. p. 680.*
 fere idem phaenomenon et effectum, haud dissimilis tenoris, ob-
 servauit, quem egomet ipse expertus sum, dicens: Nobilis do-
 mina vlcusculo paullo infra oculum, cancroso, folii *Belladon-
 nae* recentis particulam imposuit, quae noctis vnius spatio vue-
 am oculi tunicam adeo relaxauit, ut omnem explicandi sese,
 et pupillam contrahendi facultatem ei adimeret: siquidem pu-
 pillam clarissimo lumini obuersa dilatata perstitit, socio et pari
 suo

suo plus quadruplo amplior; donec amoto folio vuea muscu-
 losam vim suam et tonum paullatim recuperaret. Atque hoc,
 ne quis casui imputet, tribus distinctis vicibus in se ipsa cum
 eodem effectu domina experta est V. SWIETEN in *Boerh.*
Aphor. T. III. p. 363. Hic oculorum morbus sub nomine *Mydria-*
seos, ἀπὸ τῆς ἀμυδρωῆς ὀφθαλμῶν, quod est obscure et exiliter videre,
 cognitus est, et oritur, si pupilla colore quidem nihil abaliena-
 tur, multo vero latior, quam pro naturali statu euadit, vt ali-
 quando ad iridis circulum accedat, et quandoque totum vi-
 sum impediat, IONSTONI *Medic. pract. Amstelod. 1652. 8. l. 8.*
c. 6. p. 438. aliquando tamen vident, verum obscure, et quae
 videntur ab ipsis, omnia minora putantur. Fit haec affectio
 propter humorum allapsum, qui aut aceruatim aut paullatim
 feruntur, a quibus citra sensum tunica vuea distenditur, et
 pupilla amplius dilatatur. Haec affectio saepius pueris ob tu-
 nicarum debilitatem accidit. Non omittendum esse puto, de-
 monstrare, hanc plantam non esse vnicam, a qua visus debilita-
 tem, caliginem, immo coecitatem iure metuimus; sed a plu-
 ribus venenatis vegetabilibus tale ortum fuisse phaenomenon,
 tam ab usu externo, quam interno, varii auctores testati sunt.
 Sic similem fere noxam ab imprudenti applicatione Opii, Man-
 dragorae, Hyoscyami, ad oculorum grauissimos dolores so-
 piendos, se obseruasse saepius, testatur GALENVS *Method. me-*
dendi l. 3. c. 2. Charter. T. 16. p. 58. a succo Euphorbii, esulae,
 coecitatem SCOPOLI *Flora Carniolica.* a Cicuta, caliginem ocu-
 lorum AEGINETA. STEPHANI *Medicae artis principes 1567.*
fol. p. 547. oculos toruos a semine Stramonii SWAINE *Com-*
ment. Lipsiens. Vol. VII. p. 82. debilitatem visus a succo Man-
 dragorae SENNERTI *opera Tom. V. Lugdb. 1676. fol. cap. X.*
p. 277. ab Opio in cane SPROEGEL *Dissert. de experimentis cir-*
ca varia Venena. Goetting. 1753. p. 33. a semine Daturae Indicae,
 STROMEYER *Diff. de plant. solanaceis. Goetting. 1772. p. 19.*
 HOFFMANNVS; ab Aconito napello MANGETTI *Biblioth.*
medico

medico-pract. Tom. IV. Genevae 1697. l. XVIII. p. 777. ab Hyocyamo, vt postea perspicillis illi opus esset WEFFER et MURRAY *Apparat. medic.* Lolio temulento inesse quid, quod oculorum laedat aciem, OVIDIVS canit: — *Et careant Loliis oculos vitiantibus agri* — A Veratro albo, Solano vulgari, Anemone pulsatilla, Ranunculo scelerato et bulbofo, Conio maculato, GMELINVS *Von giftigen Gewächsen.* aliiqve obseruarunt. Singulorum effata et obseruationes probandi scopo hac vice compilare et huc transferre nolo, ne Dissertationis limites transgrediar.

§. XIII.

De experimentis institutis.

Iam quis mihi vitio verter, si de remedio inueniendo sollicitus sum, quod in aliquo malo effectum magis desideratum producere possit. Haec varia symptomata perpendens, de quibus fusc egi, cogitabam etiam de experimentis cum animalibus instituendis, vt viderem, an phaenomenon illud, in oculo meo obseruatum, quoque in animalibus tale se praebeat. Igitur ipse *Belladonnae* vires exploraturus, inspergebam felis mansuefacti oculo dextro succum ex herba expressum, sinistro vero baccarum succum. Sed quem fugit, si felis vel noctua, in loco prorsus obscuro constituatur, nullum omnino fulgorem, nullamque lucem apparere, quae tamen illico ex oculis refulgebit, simulac in eum locum tantillum luminis admittatur. Habent horum animantium oculi illud prae caeteris singulare, vt non solum pupilla multo ampliore iridi liberiore, nullaue parte cohaerente cum cornea, sed hac etiam tenuissima gaudeant, et praeterea plus quoque humoris aquei inter corneam et humorem crySTALLINUM magis remotum a pupilla, propiorem vero retinae, gerant, ac demum choroide non nigricante, et obscura, sed pallide flauesciente, aut coerulea sint praediti. Huius felis tunica adnata his succis madefacta, mediante pluma, vna hora vix praeterlapsa, vna adeo dilatabatur, tamen multo magis ocu-

lus dexter, quam sinister, ut haec rima plus decuplo maior, et quidem in figura circulari euaderet, quae antea oblonga erat. In oculis praeterea nil mali seu obscuri observabatur. Felis sibi relicta, vacillans ab initio quasi temulenta, at paullo post solito iterum incedens passu, demisso capite, pedibus anticis stimulum productum ab oculis amovere tentabat. Post horarum duarum intervallum hoc phaenomenon prorsus evanescebat, et rima angusta longitudinalis in ambobus oculis redibat. Hoc experimento reiterato cum succo herbae in oculo dextro, cum succo baccarum in sinistro, paullo post vuae ad pristinum circulum dilatabantur. Sequenti mane iterum evanuit pupillarum dilatatio; igitur tertia vice hoc experimentum instituens, quidem idem apparuit, sed hoc cum discrimine, quod duodecim horis praeterlapsis adhuc immobiles restarent pupillae, quo facto cultro anatomico felem subiiciebam praesentibus amicis integerrimis Cl. HEBENSTREIT et GERISCHER. In primis viis, in pectore, abdomine, et cerebro, nullam inveni mutationem. Sed oculum inquirens, vuae admodum versus scleroticae parietem, cui choroidea adhaeret, flaccida, simulque ita retracta erat, ut pupilla decuplo maior esset, ac est in sano felis statu; humor aqueus pellucidus, vitreus vero tenuis, fere aquosus, pellucens erat. Lens crystallina nullo modo erat obscura, tamen admodum mollis. Quum etiam ROSSI scribat, canes, gallos, pullos, auiculas nullo inflammationis signo aut dolore perturbari, dum horum oculi pluma hoc succo madida tangantur; cum duabus auiculis, hirundine et alauda hoc institui experimentum methodo praescripta; et testificor, hoc cum veritate optime consentire, sed hirundini et alaudae 'nil mali inde contigisse, nam succus applicatus statim a punctulis lacrymalibus resorptus fuit. Hoc phaenomenon in oculis felis observatum, nonne optime respondet RAI historiae, quam (§. XII.) allegavi? Ill. VAN SWIETEN Tom. III. p. 364. contendit, pupillae paralyfin, secutam a *Solani furiosi* particula, vlceri

ceri applicata, facile tolli posse, hanc causam remouendo. Haec sententia cum Exc. REIMARI iudicio (pag. 35.) comparata, de applicatione *Belladonnae*, ad paralyfin oculi innocuam temporariam inducendam, vt lentis extractio inde facilius obtineretur, optime quadrare mihi videtur. Absoluta itaque de *Belladonnae* viribus, tam salutaribus, quam venenatis, prolixiore tractatione, denique mihi agere licebit de *Belladonnae* Antidotis.

§. XIV.

De Belladonnae Antidotis.

Nullum datur Venenum, quod non Antidotis gaudeat. Quis igitur plantae Meae haec denegaret? Non vero vnum existit Antidotum, sed plurima, quae cum effectu exoptatissimo exhibita fuerunt, et hoc malum eradicauerunt. Generaliter hac de re iudicat FABER *Strychnom.* p. 87. si hoc Venenum adhuc in primis viis haeret, exhibendum est vomitorium; si iam in intestinis, potulenta multa; si ad intestina crassa, vel purgantia, vel enemata; Diuretica caueantur omnino, vt et diaphoresis. Alexipharmaca dantur 1. sine mora. 2. cum delectu, vt theriaca, mithridatium. 3. vsurpentur cum perseuerantia. Antidotum praecipuum, quod BOERHAVIUS *De morb. neru.* p. 373. vt praesentissimum remedium opponit *Belladonnae*, est vomitus, per gillam Theophrasti, quia per vomitum inductum, tempestiue adhibitum, baccae partim integrae, partim emollitae, partim ad semen vsque, et pelliculas consumptas, educuntur et exturbantur, et magna aceti copia HILL *The vegetable system.* Vol. VIII. p. 30. Comment. Lipsiens. Vol. VII. p. 214. Syrupum emeticum, clysmata emollientia, leniterque laxantia, tandem oxymel, acetum vini, succum citri et serum lactis exhibuit BOUCHER *Journ. de med.* T. XVIII. p. 144. BOECLER *Cynos. mat. med.* p. 320. ventriculoque theriacam dilutam imposuit. Femina, cui adstantes mature oleo lini vomitum procuraerant, prae aliis tempestiue conualuit VALENTINI *Prax. medic. Giesfiae* 1710. 4. p. 544. Obseruatio docuit, lac tepidum

cum oleo Amygdalarum dulcium largiter sumtum, ventriculum ad emesin prouocasse, et tali modo deleteriam massam reiectam fuisse. *Act. phys. medic. T. VI. p. 165. obs. 61.* Alia etiam laudantur emetica, inprimis antimonialia, tartarus emeticus, sapa vomitoria Syluii, infusiones antimonii, ex vitro antimonii aut croco metallorum. LAMBERT in *PRESTWICH of Poisons p. 133.* exhibuit gr. xv. vitrioli albi Quoad delectum aceti, diuersos diuersa iuuant. Aceto bezoardico baccarum *Belladonnae* virulentiam PELARGVS *Obseru. clinic. mens. Oct. 1722.* Aceto Lauendulae FABER infregit. At quid multis? Acetum simplex calidum MILLER'S *Plants. Vol. I. Lond. 1760. 4. p. 41.* MAY *Hann. Magaz. 1773. n. 97.* huic scopo sufficiet, quod certo deglutitionem ex *Belladonna* impeditam, restituit, inprimis si simul acetum naribus offeratur, vel vapor eius ex ferro candenti naribus excipiat. Operae pretium pariter facient succi alii vegetabiles acidi, et spiritus acidi minerales. Vinum meracius SCHENCK in *Obs. med.* et vinum acidum HILL *lib. cit.* laudat. MACASIVS in *Promptuario mat. med. Lib. posteriori c. II. p. 381.* commendat astacos et conchyliia. Iuuant porro potus nitratus, acidulatus cum spiritu salis; aspersio aquae frigidae in faciem; puluis tabaci naribus immissus; frictio plantarum pedum cum fetis. MAPPI *Plant. Alsat. p. 36.* Alexipharmaca cum antepilepticis BONETVS *Polyalthes. T. II. Genev. 1693. fol. p. 575.* cum successu exhibuit, ad deleteriam *Belladonnae* qualitatem corrigendam.

Haec sunt, quae de *Belladonna* collegi, obseruaui, conscripsi. Rerum propositarum multitudo peperit ordinis difficultatem, quam sensi, sed mutare non potui; tempore exclusus, copia fere oppressus. Forsan, dum otium fuerit, emendatiorem hunc et nouis auctum obseruationibus libellum, imposterum dabo.

